

江文通集

冊二

江文彙

卷三

江文通集卷之三目錄

奏記

奏記南徐州新安王

牋

到主簿日詣建平王牋

被黜爲吳興令辭建平王牋

到功曹參軍詣竟陵公子良牋

啟

爲建平王慶改號啟

爲建平王讓鎮南徐州刺史啟

爲建平王謝賜石硯等啟

爲建平王謝玉環刀等啟

爲蕭領軍讓司空并敦勸啟

爲蕭太尉子姪拜領軍江州兗州豫州淮南

黃門謝啟

上書

獄中上建平王書

書

與交友論隱書

報袁叔明書

勅爲朝賢答劉休範書

符

尚書符

論

無爲論

傳

袁友人傳

自序傳

墓銘

宋尚書左丞孫緬墓銘

宋安城王右常侍劉喬墓銘

宋光祿大夫孫曼墓銘

齊御史中丞孫詵墓銘

齊司徒右長史檀超墓銘

行狀

建平王太妃周氏行狀

誄

齊太祖高皇誄

祭文

蕭驃騎祭石頭戰亡文

祝文

蕭太傅東耕祝文

頌

閩中草木頌十五首

金荆

相思

豫章

栟櫚

杉

檉

楊梅

山桃

山中石榴

木蓮

石菖蒲

黃連

薯蕷

杜若

藿香

讚

銅劍讚

雲山讚四首

王太子

陰長生

白雲

秦女

珍倣宋版印

雲山詩四首

蕭陳詩本集十五首

贊

薑香

林香

薑薈

黃薈

古薑薈

木薑

山中古薈

江文通集卷之三

崑山徐傳星白榆閱

邑後學梁 賓嘉客輯

邑後學金允高敬庵參

奏記

奏記南徐州新安王

伏惟明公殿下列譽椒壁蜚聲沖漢爰求儒雅傍
招異人削赤野之玉翦燕山之金至如淹者東國
之徒步耳方斂影逃形匡坐編蓬之下遂遭烟露
餘彩日月末光惟恩知泰變色薰心淹聞齊石旣
撫無待巴人之唱柏臺已構寧俟不才之木淹幼
乏鄉曲之譽長匱芹藻之德豈宜炫璞鄭氏獻鳳
楚門哉願避職吏緩其召書

牋

到主簿日詣建平王牋

淹乃庸人素非奇士旣慙鄒魯儒生之德又謝燕
趙俠客之節徒以結髮衛次暫聞仁義常欲永辭
冠劍弋釣畎壑而身輕恩重猥奉末光枉白璧之
惠降黑貂之私因茲感激未能自反負金羈於淮
吳從後車一作軍於河楚竟不能曜丹臚騰英聲絕
白雲負蒼梧至可知矣不謂咸池再暉瑤光重照
開高天之慈布厚地之施承命以驚巡走且失淹
聞古人爲報常有意焉至乃一說之効齊王動色
一劍之感趙王解衣孤心迴槩有殞自天

被黜爲吳興令辭建平王牋

淹本遷徙之徒非有儒墨之能亦以轉命溝間待

殞巖下誤得步脩楫循高軒伏層檻坐曲池承翠
河之潤降璇日之光載筆奉后盛飾立朝於山東
百姓亦已殊甚雖蓐蝼蟻拭黃塵不足以塞惠而
小人狼狽爲鬼爲蜮山淵所容衣劍不貸黥赭幽
圜皆非報責仰遭大道之行草木勿踐輟鑊斂火
吹魂拾骨濯以江一作河漢之流曝以秋陽之景叢
然黔首豈不戴天竊思伏阜九載齒錄八年以春
以秋且思且顧竟不能抑黑質揚赤文抽精膽報
慈光而自爲擁腫之異木卒成踴躍之妖金所謂
孽由己作匪降自天猶沐造化餘靈宥以遐邑方
蒙被霜露裹糧洲島缺鑿山楹爲室永與鼃鼃爲
羣猶蹶者不忘起盲者不忘視况罪溢朔方尙駐
一等之刑咎過朱崖猶緩再重之施金石無知何

以識答昔河濟荆吳必獲陪從京輔關轂長奉帷
席德音在耳話言如昨淹迺梁昌自投東極晨鳥
不蜚遷骨何日一辭城濠旦夕就遠白雲在天山
川間之眷然西顧涕下若屑

到功曹參軍詣竟陵公子良牋

竊惟明使君鉞下道耀神源德鑄靈極誕涵天聽
資河炤聖譽拂絃外芳激震中故衡梁孕秀璿璣
流品變瑤光之暉贊玉燭之色功邁翊殷績起匡
漢是以赤瑕瓊寶之文睇影而復集青龍遺風之
乘晞光而遠至如民者蓋不足算所志不出繒販
所學不遺祝筮業異儒墨行乖曾史既乏修短之
術又慙啓塞之辨不能伏軾躡衡驚燕趙之郊黃
金橫帶馳淄澠

澠一作淄

之幣語默罕緒圓方靡樹謬

以一氣之微邀百載之會躬奉英睿身蒙青牕故
以潤厚累璧恩重兼金不悟懸黎降景靈河瀉潤
復獲執羈蘭陳迎笏桂序漏越之琴竊莊文之價
缺齧之劍盜頃襄之名心羞秦媵志慮楚犢抱魂

一作魄

踊躍憂集如熏鑄感何日銘報焉期

啓

爲建平王慶改號啓

竊以皇衢永謚則玉曆惟禎國慶方夷則繩澤式
茂故五鳳協年甘露應號況今道潤衍溢頌祉載
繁嘉生蠲慶風雲瑞節旣覲招晨方鑄昌化延守
一隅無以自局不勝荒情

爲建平王讓鎮南徐州刺史啓

臣言臣誓惟殃釁頻寫曲折慊慊狂愚冀蒙哀弔

而聖旨懸嚴便賜斷表神乖意失音影何地吞聲
茹號情膽載絕臣荒昧神氣爰自幼稟分踰鼎貴
秩高外州臣乏素能或所不任況在憂年必取黜
辱特爲開非常之恩借權製之義素禮滅經實翦
治本臣又能身祈命請一感天地躑躅表啓心容
已覩猶疑大道之行墨纓不興孝治天下通喪獲
遂陛下覆被仁明品物無漏豈於微臣獨不蠲鑒
焦鯁在躬輒復塵觸伏願暫輟聽覽少憐苦草則
臣死之日猶生之年臨啓恍惚魂識無主不勝殞
越怵息之心

爲建平王謝賜石硯等啓

臣言奉勅賜石硯及法書五卷天旨又以臣書小
進更使勤習敬閱籀篆側觀硯功張衛慙奇金瓊

羞麗臣夙乏翰能素謝篇伎空賁恩輝徒隆慈飾
方停烟墨永砥學玩仰結聖造伏銘私荷不任下
情

爲建平王謝玉環刀等啓

奉敕賜玉環刀等五種珍器

闕

伏蒙猥降飾軼

采朱跨影懸魂

一作魄

崑岡歸琛關山慙寶謹襲緹

素以充握睇垂光旣深銘佩更積不任下情

爲蕭領軍讓司空并敦勸啓

臣某言臣沿心之請丹識以傾詔旨沖挹便賜斷
表伏聞當遣王人猥垂獎勸仰天光休俯增驚厲
謝中臣以爲槐鉉之任百王攸先具司是屬冠冕式

瞻化曜昌輝連基政務事深崇替迹豫興衰故道
富一時則風行明令才乏通權則山摧河泣旣澆

汨蒼祗將紊毀身國臣進退惟疑再三自顧實以
陋情悲忘寵極但畏軼超疲伍迺參鼎軸無德而
貴豈敢偷存才怯任重物所不恕故弱識褊褻頻
布前辭枯木朽株永隔蠲恕豈特大車方塵小雅
有廢而已哉將據致寇之悔取鑑於茲矣且皇華
之命居上之鴻私鳳舉之招爲下之殊榮國勲必
書史不謬牘况臣連牧圉岳董率職方旣鑠近古
垂耀中葉揆望揣實爲泰已甚而迺復降朱輪之
使方枉青冊之勸寤寐悵灼一作恟諒無以任輒重
素誠冒覬神炤伏願皇靈特垂開愍賜停正台之
職并免敦勸之使餘所榮忝誓不敢辭肅恭外屏
祈迴恩授則於臣慊款復爲惠造不任憂戴匪惶
之情

爲蕭太尉子姪拜領軍江州兗州豫州淮
南黃門謝啓

臣公言臣頻結崇寵亟延上爵休恩動俗烈榮振
古鴻品清飾已藹金圖秀鼎號銘共茂瑤篆永言
戚慮鑒寐殷心况乃秩洽朝門慶霑國珮弱息臣
諱疑映晃等文不昭典武不定功出內帷闡升降
貂綬或振迹領侯職贊禁錡或騰光江甸任鈞屏
翼河兗衝要旣濫北門之管淮豫險捍又謬西偏
之寄兄子臣鸞忝守近畿嫡孫臣某載華省闈皆
倏忽晷景頻煩升荷雖咸罄愚識一作職恪居匪替
豈足以少塞神渥裁酬皇眷囂黷一盈慙厲彌積
談天之辨不能爲臣陳辭雕龍之文無以爲臣飾
愧靜然肅念徘徊交集不任憂感沐浴之情